

**ଥେସଲନିକୀୟମାନଙ୍କ ନିକଟକୁ ପାଉଲଙ୍କ  
ଦ୍ୱିତୀୟ ପତ୍ର  
ଥେସଲନିକୀୟଙ୍କଂନେ ତାଗ୍ରା ପାଉଲ୍‌ନେ  
ଦ୍ୱିତୀୟ ଉଲିଆଃ  
ଥେସଲନିକୀୟ ବଇ ବିସୟରେ  
ଉଠଡ଼ିକୁିଗ୍ ସାମୁଆଁ**

ଥେସଲନିକୀୟ ମଣ୍ଡଳି ତାଗ୍ରା ୨ ଉଲିଆ ପ୍ରେରିତ୍ ପାଉଲ୍ ବାନ୍  
ଗୁଆର୍ବଗେ ୧:୧ । ୧ ଥେସଲନିକୀୟନେ ଇତୁଡ଼ା ବେଲା ଇଡ଼ିଙ୍ଗ୍  
କ୍ରିଷ୍ଟନେ ଜନମ୍‌ନେ ୫୧ ମୁଆଃ ଇଡ଼ିଙ୍ଗ୍ ଆକେନ୍ ଉଲିଆ ଗୁଆର୍ବଗେ  
। ପାଉଲ୍ ଉଡ଼ିବେଲା ଥେସଲନିକୀୟ ମଣ୍ଡଳିକେ ଉଲିଆ ଗୁଆର୍ବକେ  
ଅଃଡେନ୍ ବେଲା ମେଁ କରନ୍ତିୟ ମଣ୍ଡଳିନ୍ନିଆ ଲେଃଗେ । ମୁଡ଼ି ମଣ୍ଡଳି  
ମେଁ ୨ ମିସ୍‌ନାରି ଖେନେ ତିଆର୍ ତିଂବଗେ ପ୍ରେରିତ୍ ୧୭:୧-୧୦ ।

ପ୍ରେରିତ୍ ଉଲିଆଃନ୍ନିଆ ବାସଂବକେ ଜେ ଉଡ଼ିରୁଆ ଜିହୁଦି ବାରି  
ଗୁଲେରୁଆ ଗ୍ରୀକ୍ ବାସା ବାସଂତିଂକ୍ସେ ରେମୁଆଁଙ୍କଂନେ ବାନ୍ ଆକେନ୍  
ଥେସଲନିକୀୟ ମଣ୍ଡଳି ଆଃରେବଗେ । ଥେସଲନିକୀୟ ମଣ୍ଡଳି  
ତାଗ୍ରା ଗୁଆର୍ବବକ୍ସେ ଉଲିଆଃନ୍ନିଆ କ୍ରିଷ୍ଟନେ ପାଙ୍ଗନେ ବାରି ସାରାସାରି  
ବେଲା ବିସଏରେ ଗୁଆର୍ ଲେଃକେ । ତାଗ୍ରା ପାଉଲ୍ ଦ୍ୱାୟା  
ମେଁନେ ଉଲିଆଃନ୍ନିଆ ଥେସଲନିକୀୟ ମଣ୍ଡଳି ତାଗ୍ରା ଆକେନ୍  
ବାର୍ମୁଇଂତର୍ ପାଙ୍ଗନେ ବିସଏରେ ଗୁଲୁଏ ସାମୁଆଁ ଗୁଆର୍ବକେ । ୨  
ଥେସଲନିକୀୟନ୍ନିଆ ଗୁଆର୍ ବିସଏ ପାକାପାକି ବାକି ବିସଏ ସାରାସାରି  
ବେଲା ବିସଏରେ ଲେଃକେ । ପାଉଲ୍ ଶ୍ରିଗ୍ ଅଲ୍‌ସୁଆ ବିସଏରେ  
ତରକ୍ ଆମ୍‌ପାଃଡ଼ିଂକେ । ସର୍ତ୍ତେ ରେମୁଆଁ ମେଁଙ୍କଂନେ କାଦି ନ୍‌ସା  
କାମ୍ ତିଂନେ ଦର୍‌କାର୍ ୩:୬-୧୦ ।

**ସାସ୍‌ର୍ ବିତ୍ରେ ଲେଃକ୍ସେ ସାମୁଆଁଙ୍କଂ**

୧. ପାଉଲ୍ ମେଁନେ ଉଲିଆଃନ୍ନିଆ ନିଜର ବାରି ମିସୁଃତେ ସ୍ଲେଣ୍ଡେଇଁନେ ଆଃସାମୁଆଃତେ ଆଃମୁଲେ ତିଂକେ । ୧:୧-୨
୨. ବାରି ତେସଲନିକିୟ ମଣ୍ଡୁଲି ନ୍ସା ଇସ୍ପରକେ ଦନ୍ୟବାଦ୍ ବିଃଆରେ ଆରି ପାର୍ତନା ତିଂଆର୍ଏ । ୧:୩-୧୨
୩. ଦର୍ତନିନେ ସାରାସାରି ବେଲା ବିସଏରେ ବାସଙ୍ଗତିଂ । ୨:୧-୧୭
୪. ବାରି ମେଁ ଅଲ୍ସୁଆ ବିରଦ୍ରେ ବାରି ସ୍ଲେ ତିଂନେ ବିସଏରେ ବାସଙ୍ଗତିଂ । ୩:୧-୧୫
୫. ପାଉଲ୍ ବାର୍ମୁଇଁତର୍ ମଣ୍ଡୁଲିନେ ରେମୁଆଁଇଁକେ ସାର୍ଲତେ ଆଃଡାତିଂକେ । ୩:୧୬-୧୮

୧ \*ପାଉଲ୍ ସିଲ୍ଲାନ ବାରି ତିମତିନେ ତେସଲନିକିୟନ୍ନିଆ ଲେଃକ୍ରେ ରେମୁଆଁଇଁନେ ଆବା ଇସ୍ପର ବାରି ମାପୁ ଜିସୁ କିସ୍ଟନେ ବିସ୍ବାସି ମଣ୍ଡୁଲିକେ ଏନ୍ ଉଲିଆ । ଆବା ଇସ୍ପର ବାରି ମାପୁ ଜିସୁ କିସ୍ଟନେ ଲିବିସ ବାରି ସାନ୍ତି ଆପେକେ ଲେଲେ ।

୨ ନେନେ ଆବା ଇସ୍ପର ବାରି ମାପୁ ଜିସୁ କିସ୍ଟ ଆପେକେ ଲିବିସ ବାରି ସାନ୍ତି ବିଃଲେ ।

### କ୍ରିଷ୍ଟନେ ଆଗମନ୍ ବିଚାର୍

୩ ଅ ବୟାଁ ବାରି ତନାଇଁ ! ପେନ୍ସା ଇସ୍ପରକେ କାଲାଆଃ ଦନ୍ୟବାଦ୍ ବିଃନେ ନେନେ ଦରକାର୍ । ନେଃ ମନ୍ରେ ଆକେନ୍ ତିଙ୍ଗ୍ନେ ଦରକାର୍ ତାଗ୍ରେ ନେନେ ମନେ ତିଙ୍ଗ୍ନେତିଙ୍ଗ୍ ମେସାଡାଗ୍ଲା ପେନେ ବିସ୍ବାସ୍ ବିନ୍ରେନ୍ନିଆ ମାଲେ ତିଂତିଙ୍ଗ୍କେ ବାରି ପେ ପେନେ ବିତ୍ରେ ଜାବର୍ ଆଲାଦ୍ ତିଂପେତିଂକେ ।

୪ ତେସା ଇସ୍ପରକେ ପାର୍ତନା ତିଙ୍ଗ୍ମ୍ୟାକ୍ରେ ମଣ୍ଡୁଲିଇଁ ତାଗ୍ରା ଆପେକେ ତୁଙ୍ଗ୍ଝେରେ ନେନେ ଗର୍ବ ତିଙ୍ଗ୍ନେତିଙ୍ଗ୍ । ପେ ତିରକମ୍ ସାପା ଦୁକ୍ ବାରି ତାଡ୍ନା ସମ୍ପାଲେରେ ନିଜେନେ ବିସ୍ବାସ୍ରେ ସ୍ଲ ନେଝେକେ ଶ୍ଟୁ । ଏନ୍ ସାମୁଆଁ ନେନେ ଗରବ୍ରେ ସାଃତେ ବାସଙ୍ଗ ନେମ୍ୟା ।

\* ୧:୧ ପ୍ରେରିଡ୍ ୧୭:୧.

୫ ଏନ୍ ସାପାବାନ୍ ପାରମାନ୍ ଡିଙ୍ଗଲେକେ ଜେ, ଇସ୍ପର୍ରେନେ ବିଚାର୍ ସଡ଼ ବାରି ପେ ସାପାରେ ମେଁନେ ଇନିନ୍ନିଆ ପେଖେଗାଏ, ଡାଗ୍ଲା ଆଡେନ୍ ଇନି ନ୍‌ସା ପେ ମ୍ଲେଡିଆ ପେଡିଂକେ ।

୬ ମେଃନେ ନ୍ୟାୟ୍ ଡିଙ୍ଗଡିଙ୍ଗକେ, ଇସ୍ପର୍ ଆଡେନ୍ ସାପା ସମାଦାନ୍ ଡିଙ୍ଗଏ । ଜାଣ୍ଟେଇଂ ଏବେ ଆପେକେ ଡାଡ଼ନା ଡିଂଆରଡିଂକେ, ମେଇଂ ଡାଡ଼ନା ବାଆରଏ ।

୭ ଇସ୍ପର୍ ପେନେ ଦୁକ୍ କସୁନେ ଆଃଡାଚେ ଆନେକେ ଡିଗ୍ ଉଦାର୍ ଆଃଡିଙ୍ଗଏ । ଇସ୍ପର୍ ଆକେନ୍ କାମ୍ ଆଃଡାଏ ଉଡିବେଲା ମାପୁ ଜିସୁ ମେଁନେ ମ୍ଲବପୁ ଦୁଡ଼ଇଂ ବିଡରେ କିତଂବାନ୍ ଜାର୍ଆରଏ ।

୮ ଜାଣ୍ଟେଇଂ ଇସ୍ପର୍କେ ଆମ୍ୟାଃଆରକେ ବାରି ମାପୁ ଜିସୁନେ ନିମାଣ୍ଟାସାମୁଆଁ ଅମାନ୍ୟ ଡିଂଆରଡିଂକେ ଆଡେନ୍ ରେମୁଆଁଇଂକେ ଡଣ୍ଟ ବିଃନ୍‌ସା ମେଁ ଆଡେନ୍ ବେଲା ହୁଆକ୍ସେ ସୁଆ ସାଃଚେ ପାଙ୍ଗଏ ।

୯ ଆଡେନ୍ ରେମୁଆଁଇଂ ମାପୁନେ ଡାଗ୍ରା ବାରି ମ୍ଲବପୁନେ ଆସିର୍ବାଦବାନ୍ ବିନେ ଡିଙ୍ଗଚେ ଜୁଗ୍ ଜୁଗ୍ ନ୍‌ସା ବିନସ୍ ଡିଂଏ ।

୧୦ ମାଡର୍ ଆଡେନ୍ ଦିନା ମେଁ ମେଁନେ ରେମୁଆଁଇଂନେବାନ୍ ବାରି ସାପା ବିସାସିଇଂନେବାନ୍ ସନ୍‌ମାନ୍ ବାରି ଗୌରବ୍ ବାଏରେ । ଆକ୍‌ମେଇଂନେବାନ୍ ପେ ଡିଗ୍ ପେକୁଡେଏ ମେସାଡାଗ୍ଲା ନେନେ ଆପେକେ ମେଁ ସାମୁଆଁ ବିଃନେବଗେ ଆଡ଼ଅରିଆ ପେଇଂ ସାପାରେ ବିସ୍‌ବାସ୍ ଡିଙ୍ଗ ପେଡିଙ୍ଗକେ ।

୧୧ ଆଡେନ୍‌ସା ନେନେ କାଲାଆଃ ପେନ୍‌ସା ପାରଡନା ଡିଙ୍ଗ ନେଡିଙ୍ଗ । ଆପେକେ ହୁଆ ଡିକେଃ ଡିଂନେନ୍‌ସା ଇସ୍ପର୍ ଝାବକେ ଆଡେନ୍ ଡିଙ୍ଗନେସାଃ ନେନେ ଇସ୍ପର୍କେ ସାରଲ ନେଡିଙ୍ଗକେ । ମେଁନେ ବପୁରେ ମେଁ ପେନେ ସାପା ସଡ଼ କାମ୍ ପୁରନ୍ ଆଃଡିଙ୍ଗଚେ ପେନେ ବିସ୍‌ବାସକେ ଆମ୍ଲାପା ।

୧୨ ଦେକ୍‌ରକମ୍ ବାବ୍‌ରେ ନେନେ ଇସ୍ପର୍ ବାରି ମାପୁ ଜିସୁ କିସ୍‌ଚନେ ଅନୁଗ୍ରଅବାନ୍ ପେ ନେ ମାପୁରୁ ଜିସୁନେ ମିକ୍ସେ ଦନ୍‌ସବାଦ୍ ଡିଙ୍ଗପେୟାଏ ବାରି ଆପେକେ ଡିଗ୍ ମେଁ ଗୌରବ୍ ଡିଙ୍ଗଏ ।

## ଦଦ୍ୟା ରେମୁଆଁ

୧ ✳ଅ ବୟାଁ ବାରି ତନାଇଁ ନେନେ ମାପୁ ଜିସୁ କିସ୍ତ ପାଙ୍ଗନେ ବିସୟରେ ବାରି ମେଇଁ ତାଗ୍ଲା ନେନେ ସାପାରେ ରିସିଙ୍ଗନେ ବିସୟରେ ଆପେକେ ନେଙ୍ଗନେ ଗୁଆରେ ।

୨ ମାପୁନେ ଦିନ୍ ପାଙ୍ଗଲେଃକେ ତାଗ୍ତେ ପେଇଁ ମୁଡ଼ି ଆମ୍ବା କି ସାମୁଆଁ କି ନେଁଇଁନେ ବାନ୍ ଗୁଆର୍ ତିଁଲେଃକେ ତାଗ୍ତେ ମନେ ତିଁତେ ମେଃଡ଼ିଗ୍ ଉଲିଆ ନ୍ସା ମାରିଆଃଡୁଗ୍ ତେରେପେତେ ବାରି ଆବ୍ଗଗେପା । ଆକେନ୍ ବିସୟରେ ମେଃଡ଼ିଗ୍ ଗୁଆର୍ ଆଃମ୍ୟାନେବକେ ତାଗ୍ତେ ଉଡ଼ିରୁଆନେ ଦାରନା ଲେଃକେ ।

୩ ଦେକ୍‌ରକମ୍ ବାସ୍ତେ ଆପେକେ ଜାଡ଼ିଗ୍ ମେଁ ରକମ୍ ତିଗ୍ ଆପେକେ ଆରାଃବେମ୍ପେଲେଃ । ଇସ୍‌ପରନେ ବିରଦ୍‌ରେ ସାରାସାରି ଜୁଜ୍ ତିଁଏ ବାରି ଆତେନ୍ ଅଦରମ୍ ରେମୁଆଁ ନ୍ସା । ମାପରୁ ଆତେନ୍ ଅଦରମ୍ ରେମୁଆଁକେ ନକେଁ ମାଜଗ୍‌ଲ୍ଲାଗ୍ ଜାକ ମାପରୁନେ ଦିନା ଆପାଙ୍ଗ୍ ଶୁ ।

୪ ମେଁ ଇସ୍‌ପରନେ ମ୍ପିରେ ମ୍ପା ବାରି ପୁଜା ତିଁଶ୍ଟେ ସାପାରେନେ ବିରଦ୍‌ ତିଙ୍ଗ୍‌ତେ ନିଜେକେ ମେଇଁନେବାନ୍ ମ୍ପାଏ ଆସୁଏଃଏ ଦେକ୍‌ରକମ୍ କି ଇସ୍‌ପରନେ ମନ୍ଦିରନ୍ନିଆ କତେ ମେଁ ନିଜେ ନିଜେକେ ଇସ୍‌ପର୍ ତାଗ୍ତେ ଆସୁଏଃଏ ।

୫ ନେଙ୍ଗ୍ ପେ ଏତେ ଲେଃନେ ବେଲା ଏନ୍ ସାପା ବିସୟ ଜା ଆପେକେ ପ୍ରେକ୍ ପ୍ରେକ୍ ବାସଙ୍ଗ୍‌ବଗେ ଆତେନ୍ ମେଁନେ ପେନେ ମନେ ଶୁ ?

୬ ବାରି ମେଁ ସମାନ୍ ବେଲା ଆଃନ୍‌ନ୍‌ସା ମେଁନେ କସ୍ ବିଃଶ୍ଟିଁକେ ଆତେନ୍ ତ ପେ ମ୍ୟାପେଲେକେ ।

୭ ତାଗ୍ଲା ଅର୍ଦମ୍‌ନେ ସଡ୍ ସାମୁଆଁ ଏଃ ଜାକ ସ୍ଲେ ତିଁତିଙ୍ଗ୍‌କେ କସ୍ ବିଃଡ଼ିଙ୍ଗ୍‌କେ ରେମୁଆଁ ମ୍ଲ ମାଡ଼ିଁ ଜାକ ଆତେନ୍ କାମ୍ ତିଙ୍ଗ୍ ଲେଃଏ ।

୮ ଅଃତେନ୍ ବେଲା ଆତେନ୍ ପାପ୍ ଆମ୍ବା ନ୍ସା ଆମେକେ ମାପୁ ଜିସୁ ନିଜର୍ ତୁମ୍‌ଆଃନେ ପୁଣ୍ଡା ଏଃତେ ଦଂସ ତିଙ୍ଗ୍‌ଏ ବାରି ନିଜର୍ ପାଁନେ ଆନାନେ ଏତେ ବିନାସ୍ ତିଙ୍ଗ୍‌ଏ ।

୯ ✨ସୟତାନନେ ବପୁ ସୁଗୁଆ ସାପା ରକମ୍ ନାଲେବପୁ ଚିନ୍ ବାରି  
 ଇରିଆତୁଗନେ କାମ୍ ବାରି ବିନାସ୍ ରେମୁଆଁଇଂନେ ଡାଗ୍ରା ସାପା ରକମ୍  
 ନାଲେ ଏତେ ଆତେନ୍ ଅଦରମ୍ ରେମୁଆଁ ପାଙ୍ଗ୍ଏ ।

୧୦ ଡାଗ୍ରା ରକ୍ୟା ବାନ୍ସା ମେଇଂ ସତ୍ ଆଡାଡ୍ରା ସାର୍ଦା ମନ୍  
 ଆରାସୁଏ ଆରକେ ।

୧୧ ଆରି ଏନ୍ସା ମେଇଂ ଡିରକମ୍ ମିଚ୍ନିଆ ବିସ୍ବାସ୍ ତିଆରୁଏ  
 ଆତେନ୍ସା ଇସ୍ପର୍ ମେଇଂନେ ଡାଗ୍ରା ବେମ୍ବୁନେ ବପୁ ବେଏ ।

୧୨ ଡିରକମ୍ ଜାଣ୍ଟେଇଂ ସତ୍ତକେ ବିସ୍ବାସ୍ ମାଡିଙ୍ଗ୍ତେ ଅଦର୍ମିଆ  
 ଝେଲେଃଆରକେ ମେଇଂ ସାପାରେ ଡ଼ଣ୍ଟ ବାଆରୁଏ ।

### ବିସ୍ବାସ୍ନିଆ ଡାଟ୍ ନେଃଲେଃପା

୧୩ ମାତର୍ ଅ ମାପୁନେ ବୟାଁ ବାରି ତନାଇଂ ପେନେସା କାଲାଆଃ  
 ଇସ୍ପର୍କେ ଦନ୍ୟବାଦ୍ ବିଃନେ ଦରକାର୍, ମେଃନ୍ସା ଡାଗ୍ରା ଇସ୍ପର୍  
 ଆପେକେ ଆଲାଦ୍ ତିଂତିଂକେ, ଆମ୍ବାନେ ପବିତ୍ରତା ବାରି ସତ୍  
 ବିସ୍ବାସ୍ ଏତେ ଡଦାର୍ ବାନ୍ସା ଆପେକେ ସିସେନେ ରୁଚୁ ସୁଗୁଆ ସି  
 ବକେ;

୧୪ ଆତେନ୍ସା ଡିଗ୍ ମେଁ ନେନେ ନିମାଣ୍ଡାସାମୁଆଁବାନ୍ ନେନେ ମାପୁ  
 ଜିସୁ କିସ୍ଟନେ ଗୌରବ୍ ବାନ୍ସା ଆପେକେ ଝାବକେ ।

୧୫ ଅ ବୟାଁ ବାରି ତନାଇଂ ଡାଟ୍ରେ ଲାଃଲାପା ବାରି ନେନେ  
 ସାମୁଆଁ ଶୁଲ୍ଲା ଉଲିଆନେସା ପେଇଙ୍ଗ୍ ମେଃ ସିକ୍ୟା ବାପେଲେଃକେ  
 ଆତେନ୍ ସାପା ସାଃ ବପା ।

୧୬ ନେନେ ମାପୁ ଜିସୁ କିସ୍ଟ ମେଁ ନିଜେ ବାରି ନେନେ ମୁଡିନେ ଆବା  
 ଇସ୍ପର୍ ଆନେକେ ଆଲାଦ୍ ତିଂରେ ଅନୁଗ୍ରାଅରେ ଆନେକେ ମାଡାନେ  
 ସାକ୍ତି ଆରି ନିମାଣ୍ଡା ଆସା ବିଃବକେ ।

୧୭ ମେଁ ନିଜେ ଆପେକେ ଗାଗ୍ଡେକେ ସାକ୍ତି ବିଃରେ ଆପେକେ  
 ସାପା ନିମାଣ୍ଡା କାମ୍ ବାରି ବ୍ଲାଃଲିଚ୍ନିଆ ସାପାକେ ଲେଃଗା  
 ଆଃଡିଙ୍ଗ୍ଲେ ।

## ୩

### ନେ ନ୍ସା ପାର୍ତନା ଡିଙ୍ଗ୍ପା

✨ ୨:୯ ମାଡିଉ ୨୪:୨୪.

୧ ବୟାଁ ବାରି ତନାଇଁ ନେଙ୍ଗନେ ସାରାସାରି ସାମୁଆଁ ନେଃନେ ନ୍‌ସାଃ ପାରତନା ତିଙ୍ଗପା, ପେନେ ଡାଗ୍ରା ତିରକମ୍ ମାପୁନେ ସାମୁଆଁ ଗିଆଃ ଗିଆଃ ବେପ୍ରେ ଲେଃଗେ, ଆଡେନ୍ ତିରକମ୍ ଦେଡ୍‌ସୁଗୁଆ ଗିଆଃ ସମାନ୍ ତିଙ୍ଗଟେ ସାପା ପାକା ଝେଟାଏ ।

୨ ବାରି ତିଗ୍ ପାରତନା ତିଙ୍ଗପା ଇସପର୍ ତିରକମ୍ ଆନେକେ ଦୁସ୍ତୁ ବାରି ଦଦ୍ୟା ରେମୁଆଁଇଁନେ ତ୍ରିବାନ୍ ଆମ୍‌ଏ ମେଁନ୍‌ସା ଡାଗ୍ଲା ସାପାରେ ନିମାଣ୍ଡାସାମୁଆଁରେ ସଡ୍ ଆମାନେଃ ଆର୍‌ଣ୍ଡୁ ।

୩ ମାତର୍ ମାପୁ ବିସ୍‌ବାସ୍‌ଶ୍ରେ ! ମେଁ ଆପେକେ ବପୁ ବିଃଏ ବାରି ପାପ୍‌ବାନ୍ ରକ୍ୟା ତିଙ୍ଗଏ ।

୪ ପେନେ ଆଡାଡ୍ରା ଆସା ବନ୍‌ସା ମାପୁ ଆନେକେ ଆସା ବିଃବକେ ବାରି ନେନେ ମେଁନେ ବାସଙ୍ଗନେତିଙ୍ଗ ଆଡେନ୍ ପେ ଜେ ତିଙ୍ଗପେଲେଃଏ ଏନ୍ ବିସ୍‌ୟରେ ନେନେ ସଡେଆ ଦାବି ନେଡିଁଏ ।

୫ ଆରି ମାପୁର ପେନେ ମନ୍‌କେ ଇସପର୍‌ନେ ଆଲାଦ୍ ଆରି କିସ୍‌ଟନେ ସାଆସ୍ ରକମ୍‌ନେ ଗାଲିନ୍ନିଆ ସିସେନ୍‌ଗ୍ ଆଃଡିଁଲେ ।

### ସ୍ଲେନେ ଦରକାର

୬ ଅ ବୟାଁ ବାରି ତନାଇଁ ଜାଣ୍ଡେଇଁ ଅଲ୍‌ସୁଆ ବୁଆ ତିକେଃ ତିଙ୍ଗ ଆର୍‌ଏ ବାରି ନେନେବାନ୍ ବାଲେକ୍ଲେ ସିକ୍ୟା ଅନୁସାରେ ଆଚରନ୍ ଆଡିଙ୍ଗ୍ ଆର୍‌ ଶ୍ଟୁ ମାପୁ ଜିସ୍ତୁ କିସ୍‌ଟନେ ମ୍ପିରେ ଆପେକେ ଆଦେସ୍ ବିନେଡିଙ୍ଗ୍‌କେ ଆଡେନ୍ ବୟାଁଇଁନେବାନ୍ ସ୍ଲ ଲାଃଲାପା ।

୭ ଡେଲାଡିଗ୍ ପେ ମ୍ୟା ପେଲେକେ ପେ କାମ୍ ତିଙ୍ଗ୍‌କେବାନ୍ ନେନେ ପ୍ଲା ପାଁନେ ଦରକାର । ପେ ଏଡେ ଲେଃନେ ବେଲା ନେନେ ଅଲ୍‌ସୁଆ ରକମ୍ ନେଲେଃଗେ ଶ୍ଟୁ ।

୮ ସରା ଡାବୁରେ ନେନେ ଜାଣ୍ଡେବାନ୍ ଚଙ୍ଗନେ ନେଟଂକେ ଶ୍ଟୁ । ବାରି ଜାଣ୍ଡେନେ ଆଡାଡ୍ରା ତିଗ୍ ଲିଗିଙ୍ଗ୍ ମାଡିଁନ୍‌ସା ନେନେ ଆମେ କସ୍ତୁ ଆଃମ୍ୟାଟେ ସ୍ପି ମିଡିଗ୍ ମାଲେ ସ୍ଲେ ନେବଗେ ।

୯ ପେଇଁନେବାନ୍ ମେଃଡିଗ୍ ଗ୍ରଅନ୍ ତିଁନେ ନ୍‌ସାଃ ଜେ ନେନେ ଅଦିକାର୍ ଶ୍ଟୁ ଆଡେନ୍ ଶ୍ଟୁ ମାତର୍ ତିରକମ୍ ପେଇଁ ଆନେଃକେ ତିଙ୍ଗପେବକେ । ଆଡେନ୍‌ସାଃ ନେ ପେଇଁଡାଗରା ନିଜେ ନିଜେକେ ନିମାଣ୍ଡା ରେମୁଆଁ ସୁଗୁଆ ଆଃସୁଏ ନ୍‌ସାଃ ଦେଡ୍‌ରକମ୍ ନେଡିଙ୍ଗ୍‌କେ ।

୧୦ ପେଇଁ ଏଠି ଲେଖିଲେ ବେଳା ନେନେ ଆପେକ୍ତେ ବାସଙ୍ଗନେବଗେ ମୁଡ଼ି ରେମୁଆଁ ସ୍ନେହସାଃ ଇକଟା ଆଡ଼ିଂ ଶୁଣ୍ଠି ଆଚଙ୍ଗଲେ ।

୧୧ ଆକେନ୍ ବ୍ଲାଲିର୍ ଏକେ ଜାକ ବାଲିର୍ ନେଡ଼ିଙ୍ଗକେ ଡାଗଲା ନେନେ କବର୍ ବାନେଲେଃକ ଜେ ପେ ବିଡ୍ରେ ଉଡ଼ିରୁଆ ଗାଣ୍ଡିଆ ବାବ୍ରେ ରୁଆ ଡ଼ିଂକେ ଡ଼ିଂଆର୍ଡ଼ିଂକେ । ବାରି ବିନ୍‌ଶ୍ଟ୍ରେନେ ସ୍ନେନିଆ ସରା କୁଡ୍ରେନେ ଆନ୍ତାରତେ ବିନ୍‌ମେଃଡ଼ିଗ୍ ଆଡ଼ିଙ୍ଗ୍ ଆର୍‌ଶୁ ।

୧୨ ମାପୁ ଜିସୁ କିସ୍‌ଟନେ ମ୍ପିରେ ନେନେ ଆଡେନ୍ ରେମୁଆଁଇଂକେ ତରକ୍ ଆଡ଼ିଙ୍ଗ୍‌ନ୍‌ସା ଆମେଇଂକେ ବାଲିର୍ ନେଡ଼ିଙ୍ଗକେ ମେଇଂନେ ପାରାନ୍‌ନିଆ ବାରି ଇକୁଡ଼ା ମିସୁତେ ନିଜେ ରୁଆନେ ଆର୍ମେ ନେଡ଼ିଂକେ ।

୧୩ ଏ ବୟାଁ ବାରି ତନାଇଙ୍ଗ୍ ସଡ଼କାମ୍ ଡ଼ିଙ୍ଗ୍‌ନେସା ଆଲାକାଃଗେପା ।

୧୪ ଆକେନ୍ ଉଲିଆନିଆ ଆପେକେ ଆଣ୍ଡିନେ ବ୍ଲାଲିର୍ ବେନେଡ଼ିଙ୍ଗକେ ଡ଼ିଙ୍ଗ୍‌ଏତ ପେ ବିଡ୍ରେ ବାନ୍ ଜାଣ୍ଡେ ଆଡେନ୍ ପାଲନ୍ ଡ଼ିଙ୍ଗ୍‌ନ୍‌ସା ରାଜି ଆଡ଼ିଙ୍ଗ୍ ଶୁ । ଦେଡ଼ରକମ୍ ରେମୁଆଁ ସାମୁଆଁ ବପା ବାରି ମେଁ ଏତେ ପେ ଆମିସୁଃଗେପା ।

୧୫ ତେଲା ମେଁ ଗିଆସଃଏ । ମାତର୍ ମେଁ ଆଡ଼ତ୍ରା ସତୁ ରକମ୍ ବେବଆର୍ ଆଡ଼ିଂଲେଃ ବୟାଁ ରକମ୍ ଆମେକେ ତରକ୍ ଆଃଡ଼ିଙ୍ଗ୍‌ବିଃପା ।

### ସାରାସାରି ସାମୁଆଁ

୧୬ ମୁଡ଼ି ମାପୁ ନେଃନେ ସାନ୍ତିନେ ତିନା ମେଁ ଆପେକେ କାଲାଆଃ ବାରି ସାପା ରକମ୍ ସାନ୍ତି ବିଃଲେ । ମାପୁ ପେ ସାପାରେ ଡାଗରା ଲେଃଲେଃ ।

୧୭ ନେଙ୍ଗ୍ ନିଜର୍ କ୍ରିଏତେ ଆକେନ୍ ଗୁଆର୍ ମ୍ପକେ “ପାଉଲ୍‌ବାନ୍ ଦନ୍‌ସବାଦ୍ ବିଃଣ୍ଡିଂକେ ।”

୧୮ ନେନେ ମାପୁ ଜିସୁ କିସ୍‌ଟନେ ଦୟା ପେ ସାପାରେନେ ଜିବନ୍‌ନିଆ ଲିବିସ ଡ଼ିଂଲେଃ ।

**ସତ୍ ଗାଳି**  
**The New Testament in the Gata' language of India: ସତ୍**  
**ଗାଳି (Bible)**

copyright © 2020 The Word for the World International

Language: Didayi (Gata')

Contributor: The Word for the World International

**ସତ୍ ଗାଳି**  
**ଯାଶୁ ମାପୁରୁନେ ନି ନିଅମ୍, 2020**

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

---

PDF generated using Haiola and XeLaTeX on 18 Mar 2025 from source files dated 9 Apr 2023

cd536811-9eb4-56d5-9546-afaca24c958c